

Naqqiut

Siunnersuummut 7. februar 2019-meersut taarsiu

(Takussutissiivimmi ”Siunnersuutip inatsimmut atuuttumut sanilliunnera” § 2-p
kalaallisoortaa inatsimmi oqaasertaliussamut siunnersuummut naapertuuttunngortinnejarpooq)

Siunnersuummut nassuaatit

Nassuaatit nalinginnaasut

1. Aallaqqasiut

Siunnersuutigineqarpoq Inatsisartut inatsisaata kalaallisut qulequtaa, oqaatsinut atorneqartunut nalinginnaanerusunut naleqqunnerusunullu, iluarsineqassasoq.

Inatsimmi § 4, imm. 1, nr. 12-imut allannguutissatut siunnersuummi, borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersumi § 2, § 12 aamma § 14 naapertorlugu akissarsiassat aamma qinigaajunnaarnersiutit borgmesterinut tunniunneqartut, ileqqaarnissamut tunngavissanik naatsorsuinermi ilaatinneqassanngillat, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisianut tapiissutinut tunngavissiisut, ilaanatik.

Nalunaarut nr. 24, 30. december 2013-imeersoq ilaatigut borgmesterinut taakkualu aappaannut meeraannullu soraarnerussutisianut tunngassuteqarpoq. § 1, imm. 1 naapertorlugu borgmesterit ulloq 1. maj 2013 sioqqullugu borgmesteritut sulisimasut, pineqartoq piffissami qinersiviusumi 2013-imi naasumi minnerpaamik ukiuni 4-ini taamatut sulisimappat, aammalu kommunit aqunneqarnerat pillugu Inatsisartut inatsisaat nr. 22, 18. november 2010-meersumi (Inatsisartut inatsisaanni nr. 6, 29. november 2013-imeersumi allanngortinneqartumi) § 67a, imm. 3 naapertorlugu aaqqissuussinermi tessani ilaalernissamik toqqaasimasut, tjenestemandinut soraarnerussutisianut assingusumik nammineq soraarnerussutisianut aaqqissuussinermi pineqartunut ilaasinjaapput.

Nalunaarut malillugu borgmesterit pineqartut minnerpaamik ukiuni 8-ni borgmesteriusimagunik, borgmesterit nammineq soraarnerussutisiaqarnissamut pisinnaatitaapput. Nammineq soraarnerussutisiat maleruagassat Kalaallit Nunaanni tjenestemandinut atuuttut malillugit naatsorsorneqartarput.

Maleruagassat atuuttut malillugit, Kalaallit Nunaanni Namminersornerullutik Oqartussani aamma kommunini tjenestemandit pillugit Inatsisartut inatsisaat malillugu tunniunneqartartut, soraernerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni ileqqaarnissamut tunngavissanik naatsorsuinermi ilaatinneqartarput. Tamatumunnga pissutaavoq tjenestemandit tjenestemandinut soraernerussutisianik aaqqissuussinermi pineqartunut ilaatinneqarnerat. Maleruagassanik tjenestemandit tjenestemanditit aningaasarsiaminnit annertunerusunik soraernerussutisiassanik ileqqaarnissamik pisussaaffiliisunik pisariaqartitsisoqarpasigani, tjenestemandinut ataasiakkaanut, tjenestemandinut soraernerussutisianik aaqqissuussineq iluseqarpoq annertussuseqarlunilu.

Aamma borgmesterinut taakkualu nammineq soraernerussutisiaqarsinnaatitaanerannut tunngatillugu isummersornerit taamaaqatai atuupput.

2. Siunnersummi immikkoortut pingaarcerit

Siunnersuutigineqarpoq Inatsisartut inatsisaata kalaallisut qulequataa, oqaatsinut atorneqartunut nalinginnaanerusunut naleqqunnerusunullu, iluarsineqassasoq.

Ieqqaarnissamut tunngavissanik naatsorsuinermi borgmesterinut pineqartunut akissarsiarititat ilaatinneqannginneranni, borgmesterit aaqqissuussinerup borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersoq naapertorlugu ilaaffigisamik saniatigut soraernerussutisiaqalernissaminnut annertunerusunnik ileqqaarnissamik pisussaaffilerneqarnissaat, pinngitsoortinnejassaaq.

Soraernerussutisiaqalernissamut aaqqissuussinermut peqataasussaatitaanermi siunertaavoq, soraernerussutisialinnut pitsaasumik aningaasaqarnikkut tunngavissiinissap qulakkeernissaa, aammattaarlu piitsunnginnissaasa isumagineqarnissa. Soraernerussutisiaqalernissamut aaqqissuussinermut peqataasussaatitaanerup siunertaa taamaalluni, inuup borgmesteriusimasup soraernerussutisialittut inuunissaanut, borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersoq naapertorlugu soraernerussutisianik aaqqissuussineq atorlugu, aningaasaqarnikkut tunngavissaqarnissaata qulakkeerneratigut, naammassineqassaaq.

Siunnersuutip inatsimmut atuuttumut sanilliunnera	
<i>Oqaasertaliineq atuuttoq</i>	<i>Siunnersuut</i>
	§ 1 Soraernerussutisiaqarnissamut aaqqissuussinermut pinngitsoorani ilaanissaq

	pillugu Inatsisartut inatsisaat nr. 21, 28. november 2016-imeersumi makkua allanngortinneqarput:
Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat	1. Inatsisartut inatsisaata qulequtaa imatut oqaasertalerneqarpoq: ”Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaat”
§ 4, imm. 1. Ileqqaarnissamut tunngavissanik naatsorsuinermi makku naapertorlugit tunniunneqartartut ilanngunneqassanngillat: 1) Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat, 2) Tjenestemandit Inatsisartut suliffeqarfii atorfillit pillugit Inatsisartut inatsisaat, 3) Naalagaaffimmi tjenestemandit atorfillit Kalaallit Nunaanniittut pillugit inatsit 4) Inuit annertuumik innarluutillit ikiorserneqartarnerat pillugu Inatsisartut peqqussutaat, 5) Meeqqanut tapiissutit pillugit Inatsisartut inatsisaat, 6) Meeqqanik inuuusuttunillu ikorsiisarneq pillugu Inatsisartut peqqussutaat, 7) Pisortanit ikorsiisutit pillugit Inatsisartut peqqussutaat, 8) Utoqqalinermi pensionisiat pillugit Inatsisartut inatsisaat, 9) Siusinaartumik pensionisiat pillugit Inatsisartut inatsisaat, 10) Inissiani attartukkani ineqarnermut tapiissutit pillugit Inatsisartut inatsisaat, amma 11) Ilinniagaqarnersiutit pillugit Inatsisartut inatsisaat.	2. § 4, imm. 1-imi, imatut oqaasertalerneqarpoq: ” Ileqqaarnissamut tunngavissanik naatsorsuinermi makku naapertorlugit tunniunneqartartut ilanngunneqassanngillat: 1) Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat, 2) Tjenestemandit Inatsisartut suliffeqarfii atorfillit pillugit Inatsisartut inatsisaat, 3) Naalagaaffimmi tjenestemandit atorfillit Kalaallit Nunaanniittut pillugit inatsit 4) Inuit annertuumik innarluutillit ikiorserneqartarnerat pillugu Inatsisartut peqqussutaat, 5) Meeqqanut tapiissutit pillugit Inatsisartut inatsisaat, 6) Meeqqanik inuuusuttunillu ikorsiisarneq pillugu Inatsisartut peqqussutaat, 7) Pisortanit ikorsiisutit pillugit Inatsisartut peqqussutaat, 8) Utoqqalinermi pensionisiat pillugit Inatsisartut inatsisaat, 9) Siusinaartumik pensionisiat pillugit Inatsisartut inatsisaat, 10) Inissiani attartukkani ineqarnermut tapiissutit pillugit Inatsisartut inatsisaat, 11) Ilinniagaqarnersiutit pillugit Inatsisartut inatsisaat, amma 12) Borgmesterinik borgmesterillu tulliinik kiisalu communalbestyrelsinut

	nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il. il. akissarsiaqartitsineq pillugu Namminersorlutik Oqartussat nalunaarutaanni nr. 25, 30. december 2013-imeersumi § 2, § 12 aamma § 14, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersumi § 10, imm. 3, imaluunniit § 10, imm. 4 naapertorlugin pensionisianut tapiissutinut tunngavissiisut, ilaanatik.”
	§ 2 Inatsisartut inatsisaat ulloq 1. januar 2020 atuutilerpoq, aammalu ukioq isertitaqarfiusoq 2019 aallarnerfigalugu atuutilerluni.

3. Pisortanut aningaasaqarnikkut allaffissornikkullu sunniutaasussat

Siunnersuut pisortanut sunniuteqassanngitsoq naliliisoqarpoq

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut sunniuteqassanngitsoq naliliisoqarpoq

5. Avatangiisinut, pinngortitamut aamma inuit peqqissusaannut sunniutaasussat

Siunnersuut pinngortitamut, avatangiisinut imaluunniit inuit peqqissusaannut sunniuteqassanngitsoq naliliisoqarpoq.

6. Innuttaasunut sunniutaasussat

Siunnersuut innuttaasunut annertuunik sunniuteqassanngitsoq naliliisoqarpoq. Taamaattoq oqaatigineqassaaq, borgmesterit pineqartut immikkut saniatigut soraarnerussutisiassanut ileqqaarnissamik pisussaaffeqaannartussaammata, tamatumalu kingunerisaanik borgmesterip ataatsimut katillugu soraarnerussutisiassanut ileqqaarnera annikillisinneqassaaq.

7. Sunniutaasussat annertuut allat

Siunnersuut allanik taasarialinnik sunniuteqassanngitsoq naliliisoqarpoq.

8. Oqartussanik kattuffinnillu il.il. tusarniaaneq

Siunnersuut tusarniaanermut nittartakkamiissimavoq, kiisalu piffissami 18. oktober 2018 - 23. november 2018 tusarniaaffigineqartunut makkununnga nassiunneqarluni:

Tusarniaanermut killissaliussap naanerani tusarniaanermut akissutinikik SISA-mit, GE-mit, Kommune Kujallermi, Pinngortitamut, Avatangiisut Ilisimatusarnermullu Naalakkersuisoqarfimmit, Aatsitassanut Suliffeqarnermullu Naalakkersuisoqarfimmit, Aalisarnermut, Piniarnermut Nunalerinermullu Naalakkersuisoqarfimmit, Isumaginninnermut Inatsisinillu Atuutsitsinermut Naalakkersuisoqarfimmit, Naalakkersuisut Siulittaasuata Naalakkersuisoqarfiani Nunamut namminermut immikkoortortaqarfimmit, Peqqissutsimut Naalakkersuisoqarfimmit aamma Ilinniartitaanermut, Kultureqarnermut Ilageeqarnermullu Naalakkersuisoqarfimmit, tigusaqartoqarpoq.

Oqaaseqaatit tiguneqartut matuma kinguliani nalinginnaasumik allanneqarlutik allassimapput, Naalakkersuisut oqaaseqaataat *uingasumik* allassimallutik.

GE isumaqarpoq siunnersuut paasinarluartoq. Taamaattoq aamma namminersorlutik inuussutissarsiorput ilaatilerlugin siunnersuut annertusitinneqartariaqarluarpoq. Aningaasaliinissamut tunngaviusut killeqartut namminersorlutik inuussutissarsiorput atugarisagaat, soraarnerussutisianut ileqqaarutini suliffeqarfimmeereersuni ileqqaarnissamut pinngitsaaliinermit annikillisinneqartariaqanngikkaluarput. Soraarnerussutisiaqalernissamut aaqqissuussinermut peqataasussaatitaanerup namminersorluni inuussutissarsiornerup iluani inuussutissarsiotinik ineriertortitsineq aamma nutaaliorneq akimmisaartittussaavaa. Ileqqaagassat inatsimmi qulakteerniarneqartut, namminersorluni inuussutissarsiorput tunngatillugu suliffeqarfippiamiitinneqartarpuit.

Namminersorlutik inuussutissarsiorput amerlasuut soraarnerussutisianut ileqqaagaqalersimasanngillat. Namminersorlutik inuussutissarsiorput tunngasut akissarsialinnut tunngasut assigeqqissaassanngikkaat, inatsimmi atuuttumi sillimaaffigineqarpoq. Namminersorlutik inuussutissarsiorput soraarnerussutisianut aaqqissuussinernut akiliuteqarnissaannik piumasaqaait taamaalillutik akissarsialinnut atuuttut affaasa missaanniippuit.

Namminersorlutik inuussutissarsiorput akissarsialittulli soraarninngorunik immikkut isertitaqarnissaminnik qulakteerinninnissaq pingaartippaat. Namminersorlutik inuussutissarsiorput tamarmik annertunerusumik pisuussuteqalersimasussanngillat, soraarninngorunik immikkut taamatut isertitaqarnissamik qulakteerinnissinnaasunik. Ataatsimut isigalugu maleruagassat atuuttut namminersorlutik inuussutissarsiorput suliffeqarfimminni ineriertortitsinermut aningaasaliinissamut immikkut pisariaqartitsinerat aammalu soraarninngorunik immikkut isertitaqarnissamik pisariaqartitsinerat naleqquttumik eqqarsaatigineqartoq, maleruagassat atuuttuni takuneqarsinnaavoq.

Borgmesterit marloriaammik soraarnerussutisianut sillimmaserneqarnissaat piumasaqaatigineqartariaqanngitsoq, taamaattumillu borgmesterit akissarsiaat soraarnerussutisiaqalernissamut aaqqissuussinermut peqataasussaatitaanermut naatsorsuinermi tunngavissani ilaatinneqartariaqanngikkaluartoq, Kommune Kujalleq isumaqataavoq.

Soraarnerussutisiaqalernissamut aaqqissuussinermut peqataasussaatitaaneq pillugu maleruagassat 1. januar 2018 atuutilermata, taamaalillutillu aamma 2018-imi ukiumut isertitaqarfiusumut atuussimammata, kommunip eqqaasisstigaa. 2018-imi borgmesterinut immikkut soraarnerussutisianut aaqqissuussinernik pilersitsinissamik inatsisip pisariaqalersitsisimaneranik kommuni ilisimasaqanngilaq, kisianni inatsimmi allannguutit, siunnersuutigineqartutut 2019-imit pinnani, 2018-imi ukioq isertitaqarfiusoq aallarnerfigalugu atuutilersinnissaat tunngaviusunik tunngaveqartumik isumaliutersuutigineqarsinnaassagaluarpoq.

Innuttaasunut taamaallaat iluaqusiisussamik kingumoortumik atuutilersumik inatsisinik allanngortitsineq, inatsisinit naliliineq aallaavigalugu isumaatsoorneruvoq.

Taamaattoq siunnersuut suliaqarnermi ajornakusooruteqartussaavoq. Siunnersuut kingumoortumik 2018-imit atuutsinnejalissappat, inatsit siunnersuutigineqartutut 1. januar 2020 atuutilernerani, ulloq 1. juli 2019 atuutilissasoq ilimanarpoq. Akileraartarnermut Aqutsisoqarfiup inatsisip atuutilernerani, ileqqaarnissamut tunngavissat taakkua eqqortumik naatsorsorsinnaajumallugit, borgmesterit soraarnerussutisianut akiliutaat pillugit kommuninit paasissutissanik annertunerusunik piniartussaassaaq. Paasissutissat 2019-imi juuli naatinnagu, paasissutissanik allannguuteqartunik nalunaarutiginninnissamut piffissaliussap naanerani, inissereersimassasut ilimanarpoq. Taamaattoqassappat tamanna qaammammi sulinngiffeqarfiusumi pisussaammat, kukkusqarnissaata aarlerinaateqarnera annertunerusussaavoq. Borgmesterit immikkut soraarnerussutisianut aaqqissuussissariaqalerlutik pisunik ataasiakkaanik Naalakkersuisut aamma ilisimasaqannginnerat eqqarsaatigalugu, siunnersuut ajornakusoorutinut, siunnersuutip 2018-imut kingumut atuutilersinneqarnissaanut tunngassuteqartunut, naleqquttumik nallersuussinnaannngippasipput.

Kommune Kujalliup tamatuma saniatigut tikkuarpaa, borgmesterinik borgmesterillu tulliinik kiisalu communalbestyrelsinut nunaqarfinnilu aqutsisunut ilaasortanik aamma najukkani ataatsimiitaliat ilaasortaannut il. il. akissarsiaqartitsineq pillugu nalunaarummut nr. 25, 30. december 2013-imeersumut tunngatillugu ajornartorsiuteqarsinnaasoq, tassami borgmesterit piffissaq qinersiviusoq 2013-imi naasoq sioqqullugu piffissani qinersiviusuni minnerpaamik ukiuni 4-ni atuussimasut soraarnerussutisiaqartinneqarnissaat qulakkeerneqanngimmat.

Oqaaseqaat taanna siunnersuummut tunngassuteqanngimmat, tusarniaanermut akissuteqaat Nunami Namminermi immikkoortortaqarfímmut erseqqinnerusumik isumaliutersuutigineqarnissaa siunertaralugu ingerlateqqinnejarpoq.

Tusarniaaffigineqartut allat siunnersuummut oqaaseqaateqanngillat.

Aalajangersakkanut ataasiakkaanut nassuaatit

§ 1-imut

Nr. 1-imut.

Siunnersuutigineqarpoq Inatsisartut inatsisaata kalaallisut qulequtaa, oqaatsinut atorneqartunut nalinginnaanerusunut naleqqunnerusunullu, iluarsineqassasoq.

Nr. 2-mut.

Siunnersuutigineqarpoq § 4, imm. 1-imi nr. 12 ikkunneqassasoq, taamaalilluni akissarsiat inuup borgmesteritut inisisimasimanera naapertorlugu tiguneqarsimasut Soraarnerussutisiaqalernissamut aaqqissuussinermut peqataasussaatitaanermi ileqqaarnissamut tunngavissanik, pisuni aalajangersimasuni, naatsorsuinermi ilaatinneqassanatik. Aalajangersakkami akissarsiat borgmesterinik borgmesterillu tulliinik kiisalu kommunalbestyrelsiniut nunaqarfinnilu aqutsisunut ilaasortanik aamma najukkani ataatsimiitaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersumi § 2, § 12 aamma § 14 naapertorlugit tiguneqarsimasut ilaatinneqanngillat, akissarsiat aamma ilaasortaajunnaarnersiutit borgmesterinut taakkulu aappaannut meeraannullu pensionisiaqartitsineq pillugu Namminersorlutik Oqartussat nalunaarutaat nr. 24, 30. december 2013-imeersumi § 10, imm. 3, imaluunniit § 10, imm. 4 naapertorlugit pensionisianut tapiissutinut tunngavissiisut, ilaanatik.

Siunnersummi siunertaavoq ukiumut borgmesterit kalluarneqartut akissarsiaasa, ileqqaarnissamut tunngavissanik naatsorsuinermi ilaatinneqannginnissaat. Taamatuttaaq borgmesterit qinigaajunnaarnersiutaat aammalu borgmesteri toqukkut qimاغunnermini borgmesteriusimappat, imaluunniit toqukkut qimاغunnermini borgmesteritut atuussimanerminit qinigaajunnaarnersiuteqarsimappat, borgmesterip aappaanut imaluunniit meeraanut 18-it inorlugit ukiulinnut qinigaajunnaarnersiutit, ilaatinneqassanngillat.

Taamaalilluni ilanngussinermi taamaallaat siunertaavoq, pineqartup borgmesteritut atuunnermut ilaatillugu akissarsiat tigusimasai soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat nr. 21, 28. november 2016-imeersumi ileqqaarnissamut tunngavissanik naatsorsuinermi ilaatinneqannginnissaat, aammalu borgmesterip tulliatut imaluunniit communalbestyrelsimit ilaasortatut il. il. atuuffeqarnermut ilaatillugu akissarsiat tiguneqarsimasut tassani pineqaratik.

§ 2-mut

Inatsisartut inatsisaat ulloq 1. januar 2020 atuutilerpoq, aammalu ukioq isertitaqarfiusoq 2019 aallarnerfigalugu atuutilerluni.